



UNIVERSITÄTS-
BIBLIOTHEK
PADERBORN

**Syntagma Iuris || Vniversi, Atqve Legvm || Pene Omnivm
Gentivm, Et || Rervm Pvblicarvm Præcipvarvm,||**

Grégoire, Pierre

Francofurti ad Mœnum, M.D.XCIX.

VD16 VD16 G 2999

2 de Diuisione personarum, ex sexu.

[urn:nbn:de:hbz:466:1-97739](https://nbn-resolving.org/urn:nbn:de:hbz:466:1-97739)

spadones. Sic enim Clearchum Athenæus lib. 1. *dipnosoph.* meminit dixisse eunuchum, vt sit ἀνήρ τε καὶ ἄνθρωπος, vir & non vir. Cui accedit & Aristoteles *de gener. anima. c. 2.* Menander in *sententiis comicorum* & Menandri *c. 43.* tamen dixit, εὐνοχὸς ἄνθρωπος & ἀνὴρ. Eunuchus alia quædam fera est in vita. ¶ Dixit forsitan aliam feram, quia nec inter animalia aliquid fit inuentum, quod vtriusque sexus genitale efficax habeat membrum, vt defendit Aristoteles *lib. 3. de gener. animal. cap. 6.* irridens eos qui dicunt hiennam alternis annis marem & feminam esse, sicuti fertit Orus Apollo in Hieroglyphicis *libra 137.* & subannat Herodotum Hera. leotam scribentem duplex genitale habere & maris & feminae, & seipsum inire Tro. hum. ¶ Et Alexander Seuerus Cæsar nec mares nec feminas eunuchos existimauit, sed tertium quoddam genus hominum, & ideo vltim eorum viris ademit omnino, & vix matronis præclaris concessit, vt refert Lampridius in *Alexan. Seuer.* Scribit & Valer. Max. *lib. 6. cap. 7.* Amilium Lepidum Mamercom Consulens, Genutium quendam, qui sibi membra genitalia amputauerat, a Neuiano Sardinii liberti hereditam institutum, hereditatis successione inde indignum declarasse: ideo quia videretur obscæna Genutii persona, qui neque virorum neque mulierum numero haberi posset, atque perinfame esset huius monstri, tertie generis hominum, inquinata voce, sub specie petiti iuris tribunalia pollui.

¶ Tradit Lucianus in *Eunuchis*, philosophari non debere eunuchum, & huiusmodi homines se iudi debere non tantum a philosophia, sed & ab omnibus sacris & ab omnibus cætibus publicis eiici, esseque quoddam animal varium & anceps, non aliter quam cornices, quæ neque inter cortos nec columbas annumerari queant. Et lex quoque vetuit eunuchos in consilium ecclesiasticum assumi, vt ait Diuus Athanasius in *epist. ad solitariam vitam agentes.* ¶ Eo tamen magis exosi, qui seipso castrauerunt, permiserunt se caltrari ab aliis nulla necessitate suadente, quod veluti ex professo in naturam & propriam seuerint: vt non immerito statuerint sancti patres in concilio Niceno *can. 1.* οὐδὲ τις ἐπιμαίνων ἐαυτὸν ἐξέστιον, τῶτον καὶ ἐν τῷ κληρονομίῳ ζῶντων πατρίδων αἰώνως, &c. Si quis bene se habens seipsum incididerit, non numeretur inter clericos. Rursum in canonibus Apollolorum, Si quis amputauerit sibi virilia, non fiat clericus, quia sui homicida. & Dei conditio inimicus. Si postquam clericus factus id egerit, detronitor, in *ca. ap. off. can. 21. c. 22.* & in *can. si quis absciderit. 55. dist. in 1. ap. Grat.* Repetitur in concilio Arelatensi I. *ca. hi qui se. 55. dist. in 1. apud Gratia.* Et teste Suida, dum agit de Antiocho presposito, & in verbo, *ἀδελφίου*, Theodosius Imperator statuit edicto promulgato, ne eunuchus inter patricos conferretur. Vetuit & Deus, ne ingrederetur templum suum. *Douerono. c. 23.* Et D. Hieronymus testetur in *comment. ad cap. 53. Iesaiæ,* & *tom. 1. in catalogo ecclesiasticorum scriptorum, vita 6. dum agit de Crescense, regine Candaci Eunuchum eductum a D. Philippo, & baptizatum, Actiorum 8. c. fuisse apostolum Æthiopiæ.* ¶ Et tamen eunuchi fuerunt, placuit postea melioris æui principibus, vetuitque Domitianus, Xiphilum. *ex Dio. in Nerone.* & Ammia. *Marcell. lib. 18. Histo. & Suet. in Domitian. c. 7.* Imperator, ne quis castraretur intra fines imperii Romani. Id ipsum sancit Nerua Cocceius, Xiphilum. *in Nerua Cocceio.* Constantinus autem Imperator in eos qui castrarent aliquos, penam capitis statuit, *l. de eunuchis lib. 4. tit. 42.* agiturque in huiusmodi castrantes præter necessitatem, iudicio legis Cornelie de sicariis, *l. 3. §. qui hominem. l. 4. §. idem diuus. ad l. Cornel. de sicar. lib. 48. P. tit. 8.* Vetuit & Leo quidem in eitione Romani imperii eunuchum fieri, & ibi factos vendi, alibi tamen exfectos & barbaros vbiq; permittit distrahi. *l. 2. de eunuchis.* Cum factum emendari non possit, quod tamen detestabile reddit eos, qui hoc tentarint. Sicut tamen & Ammianus Marcellinus *lib. 14. Histo.* scribit de Semiramide. *Quis, inquit, videns spadonem luridam inuitudinem, non detestatur memoriam Semiramidis regina illius veteris, que teneros mares castrauit omnium, prima, velut vim inieciens natura, eandem que ab instituto cur, ut eorum quens, que inter ipsa oriundi crepusculia, per primogenitos feminis fontes tacita quodammodo lege, vias propaganda posse, status ostendit.* Vbi tamen dignum notatu est, dici spadones castratos, cum tamen spadonem non castratum & castratum dicat Vlpianus in *l. si seruus. 39. §. 1. de iure do. lib. 23. P. tit. 3.* forsitan & eum spadonem dixit, qui abscisso altero testiculo alterum habet. in *l. Pomponius. §. 1. de adilit. edit. c. 1.* Huc accedit quod Varro in lege Mæuia apud Nonium scriptum ait *Si qui patrum maiorem, arcentem exlinguit, in eo est culpa, hoc facti pro sua parte is qui se eunuchus, aut*

alibi liberos producit. Exstat & Phocylidis prohibitio *verso. 175.* μήδ' ἂν παδοβόν ποτὲ τῆμιν ἀσπασα κέσθω, Nec marem castrati natura generare valentem. ¶ Theobaldus tamen Camefinorum & Spoletinorum Marchio in auxilium Beneuentani Principis vocatus contra Græcos, cum eos vicisset captos, in ignominiam castrauit, vt ita a muliere per ludibrium incessetur, viro eius capto, cur contra fæminas bellum instituisset, di. ens contra illas illud deuolui, quando mariti testiculis, qui vxorum erant solum, priuarentur, vt refert Luithprandus Ticinensis *lib. 4. de rebus per Europam gestis. cap. 4.* Carolus Magnus in capitularibus legibus, quas addere legibus Longobar. placuit, *cap. 5. fol. 82.* sic statuit de Mancatione qualibet, *Si quis alterum presumptione sua vel sponte castrauerit, & ei ambos testiculos amputauerit, integrum vni virginitatem suam iuxta conditionem persone componat: si virgam absciderit, similiter: si vnum testiculorum, medietatem soluat.* Et in legibus Salicis *tit. ul. de debilitat. b. §. 17. 18. 19. 20.* Si quis ingenium castrauerit, aut virilia in ancaplauerit, unde mancus sit, 4000. denariis, qui faciunt solidos centum culpabilis iudicetur: si vero ex iniectio uleui viri rika 8000. denariis, qui faciunt solidos ducentos: Si Saleucus Saleucum castrauerit, totidem præbeat: si quis antrufionem castrauerit, 24000. denariis, qui faciunt solidos 600. excepta medicatura, que nouem solidis componatur. Notandum tamen in eunuchos non semper neque vbi que seueram fuisse legem: sunt enim nationum mores diuersi, & quodlibet seculum habet & fouet quædam, quæ præteritis displicuerunt, & a sequentibus admittuntur. Et quidam voluptatis causa habuerunt eunuchos, vt Nero Sporum, imo & eunuchas, vt Lydii. Xanrus enim refert *lib. 2. verum Lydarum.* primum Lydorum regem Andramytem, mulieres eunuchas effecisse, iisque loco virorum eunuchorum vsum fuisse, teste Athenæo *lib. 12. Dipnosoph. cap. 12.* Sed & vt scribit Herodotus Halicæ *lib. 8.* apud barbaros pretiosiores eunuchos fuisse constat illis, qui non fuissent castrati, in omni genere fidei gratia. Quam obrem & ob fidem eorum habuerunt principes ex illis *συνεπιφύλακας*, custodes scilicet corporis, vt Cyrus teste Xenophonte *lib. 7. pædie Cyri, Rex Ægypti, Genes. cap. 39. c. 40.* Assyriorum, *Hesper. cap. 1. c. 2.* Erat Iuliano Cæsari Eutheries spado eximia fidei præfectus cubicularius, *Ammia. Marcell. lib. 16. Histo.* Eunuchi quippe feri & acidi semper, carentes necessitudinibus ceteris, vt ait Ammia. *Marcellinus lib. 18.* acerrimi custodes existimati potissimum matronarum, cum quibus concumbere non possent quibusque expeditius, quam ancillæ possent obtemperare. vt tamen aliquibus *ἐὐνοχὸς* dictus videatur, *ἀπὸ τῆς ἑλπίδος ἕχων καὶ ἐπιμαίνεσθαι*, quoniam videlicet ad cubillum & gynæcorum custodiam & curam comparari solerent, aliis *ἐὐνοχὸς*, a bona mente, eo quod venere, quæ mentem adimere solet, careant. Quanquam melius ab Eustathio dicantur, quasi *ἐὐνοχὸς*, a priuatione vel viduitate testiculorum. Et alibi Vlpianus *l. si seruus seruus. 38. §. si puerum. ad l. Aquil. lib. 9. P. tit. 1.* per castrationem, puerum pretiosorem fieri dixit, etsi iniuria in eo fiat. Quod Accursius in *dicto §. si puerum.* intelligit, habito respectu locorum & opinionis, vt in Apulia pretiosior sit non autem in Italia.

¶ Neque tamen etiam re ipsa & in se sunt pretiosiores, sed ratione vltus alterius: Nam spado, cui tam necessaria pars corporis abest, morbosus est, vt admittatur in eius redhibitione ædilium curulium edictum ex sententia Pauli Iurifconsulti, *l. si autem. 7. de adilit. edit. lib. 21. P. tit. 1.* ¶ Et tamen Aristotele *Problema. sect. 10. q. 28. 39. 40.* & *lib. 1. de gener. animal. cap. 2.* & Galeno in *6. lib. apho. Hippocrar. aphor. 28.* constat ex viro in fæminæ naturam castratione mutari, vocem fieri tenuem, corpus imbecillum, crura putrida. Verum tamen fuerunt ex grege horum eunuchorum, sicuti & aliorum præstantes viri, qualis Hermeas ille A. arne oriundus tyannus, quem supra modum est admiratus Aristoteles, adeo vt ei perinde ac Deo sacrifici. auerit, si credamus Luciano in *Eunuchis.* Regnauerunt & in Perside spadones olim, vt auctor Plinius *lib. 13. cap. 4.* Atque sacerdotēs Dianæ Ephesinæ erant eunuchi, qui *μεγαλοβουζοι* dicebantur, ac semper aliqui accersabantur dignitali præfectura, & in honore maximo habebantur, cum quibus & virgines aliquot sacras esse oportebat, vt narrat Strabo *lib. 14. Geogr.*

¶ Refert tamen & Lucianus in *dialog. de Syria dea.* tales fuisse sacerdotēs dictos Gallos, quorum originem refert ad Combabem perpulcrum architectum, qui missus ab Assyriorum rege cum Stratonicæ regis vxore in Babyloniam ad ædificium pergendum, ne in zelotypiam regis incidere vel suspitionem adulterii,



